

夏小正正義



夏
小
正
正
義

王
筠
撰

中
華
書
局

叢書集成初編

夏小正正義

中華書局出版發行

(北京王府井大街三十六號)

秦皇島市資料印刷廠印刷

一九八五年北京新一版

開本：七八七乘二〇九二毫米三十二分之一

統一書號：一七〇一八·一五一

夏小正正義

此據天壤閣叢書
本排印初編各叢
書僅有此本

宋淳熙中韓元吉刻大戴禮十三卷夏小正在其中乃前此隋志亦十三卷而夏小正別出蓋齊梁間久有單行本矣。

傳氏以爲獻書者離析之此不必然蓋文志既收禮古經及記矣又收中庸說既收堯子於道家矣又收弟子職于孝經類是其比。

傳文小正字凡四見。禮記鄭注得夏四時之書也其書存者有小正月令

注九引皆云夏小正一曰正月啓蟄魚陟負冰二曰農事均田三曰丁亥萬舞入學四曰姜子始歸執養宮事五曰王賓秀六曰五月啓灘覽鰋七曰六月蟹始蟄八曰九月丹鳥羞白鳥且道修引之九月十一月王狩

竹書亦云頒小正知

此書本以小正名今冠以夏者蓋先儒所記禮書二百四篇大戴刪爲八十五篇夏小正第四十七小戴又刪爲四十九篇遂無此書今綜兩戴本觀之多出周秦而保傳又出于漢之賈生蓋大戴以其書最古特題曰夏也嘉慶四年先大夫約齋先生出宰潛山銜隨侍在署幕賓有夏小正鈔本傳文多刪節又有金仁山履祥說濟陽張稷若爾岐說北平黃峴園叔琳說頗爲詳備使小胥鈔存之今夏覆檢大戴本有傳無經此由經傳別行讀者見經已具傳中遂闕莽而刪經以致今之讀者謂此書經傳雜糅不知優越經傳者始于後漢之費直戴德乃前漢宣帝時人也儀禮經傳通解于傳中別出之爲經而閒有遺漏仁山儒者之說不甚考故實峴園考之矣而或以己意竄易舊文余乃合鈔爲一本異文則參台用之疏解概用三家之說閒亦竊附己意疑者仍闕之命之曰正義竊取唐宋經疏之名也顧念朱子別經于傳斯不得不增傳曰于每月之首鈔本于傳文之外益以三家斯不得不增傳曰于每條之首如周易上下經及十翼分爲十二篇自費直以彖象繫辭文言解說上下經各附各卦之後遂加傳字如今本乾卦是其

式也。鄭氏以後，更分象翼于卦辭下，象翼于爻詞下。於是象曰象曰，紛紛錯出矣。初學讀之，亦自有利。然爻詞小象，其義各有相承者，而小象之韻，則無不相承者。今爻爲象隔，象亦爲爻隔，其弊甚大。本書記時令，無易之大義，卽分之亦無其大弊。然如十月傳，若日之長也云，雉入于淮爲蜃，二句相連，則朱子之說可解。今既別之，猝亦難通，皆自然之勢也。經義述聞，引有孔氏盧氏兩本，我未得見，將廣求而補正焉。道光二十九年歲次己酉閏月廿八日安邱王筠。

越歲庚戌，復取傅氏本讀之。傅氏名崧卿，宋山陰人，官給事中。其序曰：政和中

宋徽宗十一年辛卯改元政和

得關澹本有

注釋二十三處，以集賢大戴禮參校。兩書互有得失。傅氏所校雖不精，而古本之誤，具見於此矣。吳縣黃龜圖，不得明袁尙之所刻傅氏本，以通志堂本惠定宇手鈔本校正數十事，又以長洲顧梧生鳳所撰夏

小正經傳集解併鐫版行之。顧氏所據本以宋韓元吉所刻大戴禮爲主，其或謬誤，則正以傅氏本博觀約取，體例謹嚴，稱其爲經生家言也。余讀傅氏序，始知雖經于傳，實自此始。又讀集解，於素所未明者，已多辨皙。然大戴至今二千年矣，各本已不同。小正前乎此者又二千年，而欲其無闕佚譌謬，豈可得乎？傳言或曰者八，其六謂說之者不同，而或曰祭韭，或曰人從，直謂經文有不同。況小戴刪之，不復列于學官，誦習者少，流傳千年，宋人刻之于久經斷爛之餘，後之學者不思夏書渾渾不盡可以意逆志，而苦心孤

諸務欲通其所難通。雖勢不可已。恐亦有鑿空失實者矣。夫遵明曲解八十宗。尙幸有不譌之本。可以考其實也。小正必無古于宋本者。將安所考正乎。故余再鈔撮之。於諸本不同之字句。詳悉書之。卽其謬顯然者。亦皆甄錄。使人知前賢用心之勤。亦以見蕪穢難治。必不能反古復始。且前人所不從者。或後人鑽研復有所會。能拾前人之遺乎。反覆改之。至八九過。亦僅略可屬讀而已。若夫字比句櫛。鑿然言之。則聖人能言夏禮。尙惜杞不足徵。然當時固猶有杞也。其故廬今爲郟落。名曰杞城。隸吾安邱。豈復能向此編氓而徵文考獻乎哉。五月二十二日筠又序。

凡例

傳文古奧不可刪節。茲一依元本鈔錄。儀禮經傳通解於經文傳文皆有音注辨正。余有所增多署名別之。或牽連出之者則不別。其辨正三家說者亦不須別也。

三家之說全謬者刪之而已。瑕瑜不掩者辯之。間有全謬而足惑後生者亦存而辯之。

傳氏於每月之傳皆冠以傳字。蓋放杜注左氏傳每年之經皆冠以經字。每年之傳皆冠以傳字也。似較妥。然既明著其爲後加矣。可以隨宜也。月令章句養羞鄭注引丹鳥蓋白鳥。鄭傳引之而謂之說。傳氏朱子皆謂之傳。案黃氏曰夏小正舊傳子夏所作。謬也。筠未見此說所出。竊以爲謂子夏作傳耳。大戴禮

他篇注皆雙行。本傳端單行。是傳在戴氏之前。然鄭君但謂之說。已不能得作傳者之主名矣。傳松翁謂戴氏作傳。余初從之。今仍闕如。

傳氏序曰。關本戴禮皆以夏小正文錯諸傳中。則傳氏所校異文。概當在傳中。故今去經中校語。以省重複。惟必當在經中者始存之。

夏小正

清王 筠撰

春離經于傳。自傳氏始。則春夏秋冬。亦傳氏加之也。顧公羊傳曰。四時具。然後爲年。則以時統月。於古法合存之。

正月啓蟄。鴈北鄉。雉震响。魚陟負冰。農緯厥耒。初歲祭耒。始用鳴。固有見韭。時有俊風。寒日滌凍塗。田鼠出。農率均田。獮祭魚。鷹則爲鳩。農及雪澤。初服于公田。采芸鞠。則見。初昏參中。斗柄縣在下。柳穉。梅杏杞桃。則華。緹縞。雞桴粥。

二月往耒耜禱。初俊羔。助厥母粥。綏多女士。丁亥。萬用入學。祭餽榮莖。采蘋。昆小蟲抵蜺。來降燕。乃啼。剝鰾。有鳴倉庚。榮芸。時有見穉。始收。

三月參則伏。攝桑萎。楊韋羊。穀則鳴。頒冰。采讖。姜子始蠶。執養宮事。祈麥實。越有小旱。田鼠化爲鴽。拂桐芭。鳴鳩。

夏

四月昂則見。初昏南門正。鳴札。固有見杏。鳴蜩。王蜚莠。取荼。莠幽。越有大旱。執陟攻駒。五月參則見。浮游有殷。鳩則鳴。時有養日。乃瓜。良蜩鳴。匣之與。五日翕。望乃伏。啓灌藍。蓼鳩爲鷹。唐蜩鳴。

初昏大火中種黍菽糜。養梅。蓄蘭。菽糜。頒馬。
六月初昏斗柄正在上。煮桃麀始犂。

秋

七月蒨葦華。狸子肇肆。湟潦生華。爽死。華蒨。漢案戶。寒蟬鳴。初昏織女正東鄉。時有霖雨。灌荼。斗柄縣在
下則旦。

八月剝瓜。玄校。剝棗。棗零。丹鳥羞白鳥。辰則伏。鹿人從。駕爲鼠。參中則旦。

九月內火。遭鴻鴈。主夫出火。陟玄鳥塾。熊鰕豹貉。鼬鼯則穴。榮鞠。樹麥。王始裘。辰繫于日。雀入于海爲蛤。
冬

十月豺祭獸。初昏南門見。黑鳥浴。時有養夜。雉入于淮爲蜃。織女正北鄉則旦。
十有一月王狩陳筋革。嗇人不從。隕麋角。

十有二月鳴弋。玄駒資納卵。蘇虞人入梁。隕麋角。

經文凡四百六十三字。後文具載之矣。而復總列于此者。以示初學。使知古書體例也。杜元凱春秋序
曰。分經之年。與傳之年相附。然則春秋與左氏傳各爲一本。杜氏始合之也。孔仲達疏曰。左氏作傳。不
敢與聖言相亂。故與經別行。何止左氏。公羊穀梁。及毛公韓嬰之爲詩作傳。莫不皆爾。然則仲達所見

羣經皆不似今本也。然費直以彖象文言參錯卦爻辭中。鄭君箋注亦皆附之經下。故高貴鄉公有鄭氏何以不謙之問也。唐宋人作十三經疏。余之謏陋。惟見宋版禮記單注本。爾雅單疏本。經典釋文。永懷堂十三經單注本。又史記索隱單行本。無不各自成書。皆古式也。近人取便繙閱。皆歸難之。其或文義前後相涉。一經開隔。後生讀之。卒難索解。如春秋莊公二十三年左傳曰。秋丹桓宮之楹。二十四年傳曰。二十四年春刻其桷。皆非禮也。今既錯經于中。則其皆二字。何所承乎。小正經文甚略。易爲繕寫。故用以見例。庶後生讀他經。不致惶惑焉。

夏小正正義

金氏綱目前編曰。孔子曰。我欲觀夏道。是故之杞。而不足徵也。吾得夏時焉。學者多傳夏小正云。小正者。其紀候之書。謂之小。則固非其大者也。豈亦夏時之一端與。單子曰。夏令曰九月除道。十月成梁。其時儆曰。收而場功。僭而舂枲。營室之中。土功其始。火之初見。期於司里。以上出周語。然則舉一端而推。所謂

夏時者。當必有制度教條之詳。不可得而聞矣。黃氏曰。竹書紀年。夏后氏帝禹元年正月朔。頒小正。即是書。舊傳子夏所作。謬也。筠案。正蓋政之古文。非正朔之正也。月令孔疏引鄭目錄云。名曰月令者。以其紀十二月政之所行也。國語又引夏令。令卽政也。知正卽政矣。若是正朔。何分大小。

正月。啓蟄。鴈北鄉。鄉許亮反。雉震。响。响古豆反。魚陟負冰。農緯厥耒。初歲祭耒。始用囿。囿有見非。朱子本脫此句。傳本有大戴禮作囿有非。時

有俊風。寒日漼漼。塗田鼠出。農率均田。獮祭魚。獮他達反。傳氏曰。當作獮獸祭魚。鷹則爲鳩。農及雪澤。初服于公田。采芸。鞠

則見。初昏參中。斗柄縣在下。縣音懸。傳小無斗柄縣在下五字。然傳曰。斗柄者。足明是經文與樂輸而樹參不同。柳稊。稊徒稽反。梅杏。地桃則華。地音夷。緹縞。緹他禮反。縞古

老雞桴粥。桴步侯反。粥音育。筠案。經借桴爲孚也。當音芳無反。

黃氏曰。正月建寅之月。子曰行夏之時。

案自黃帝始有韓支。以甲寅爲首。顧頤作曆象。仍始于焉。邊提格之歲。於是年。月日皆始于寅。相傳至夏。未嘗變革。夏書曰。意無三正。禹以建子。越丑。越寅。觀。

之不悟夏后以前無建子丑者也。故鄭君曰。三正。天地人之正道。不敢苟同師說。

傳曰。正月。啟蟄。言始發蟄也。

高誘注。呂氏春。秋。蟄。讀如什。

顧氏引語志曰。虞夏之曆。正建于孟春。於時冰泮發蟄。

金氏曰。今驚蟄二月節。漢正月。中月。令孟春。蟄蟲始振。豈古陽氣特盛。啟蟄早歟。竊案月令鄭注。漢始亦以驚蟄爲正月中。孔疏曰。前漢之末。劉歆作三統曆。正月節立春。雨水。中二月節。驚蟄。春分。中。鄭以舊曆正月啟蟄。故云。

傳曰。鴈北鄉。

筠案。鴈。當依說文作雁。及下文九月經傳並放此。

先言鴈而後言鄉者何也。見鴈而後數其鄉也。

數色主反。

鄉者何也。鄉其

居也。鴈以北方爲居。何以謂之爲居。

傳本無爲字。經義述聞曰。爲居二字衍文。何以謂之。猶曰何以言之。姚鼐。鳴。疑。皆曰。何以謂之。

生且長焉爾。

丈丁長反。

九月遷

鴻鴈。

遷特計反。

先言遷而

舊注而一作如。案如而古通用。

後言鴻鴈何也。

傳本無何字。

見遷而後數之。

傳氏曰。闕本數作如。今以上文正其誤。與大戴合。

則鴻鴈也。

何不謂之。

大戴無之字。

南鄉也。曰非其居也。故不謂之。

同上。

南鄉。記鴻鴈之遷。

大戴有也字。

而不記其鄉何也。

傳氏引舊注。而一作

如大戴同傳氏倒
那何爲何鄉並通

曰鴻不必當小正之通者也

傳本通下行必字春秋傳公十有六年春王正月戊申朔賈石于宋五。是月大鴈退飛過宋都公羊傳曰爲先言賈而後言石賈石記聞聞其碩然視

之則石察之則五爲先言六而後言鴈大鴈退飛鴈見也視之則六察之則鴈徐而察之則退飛筠案本傳
正放公羊此篇文法然非也此自互文見意耳於北曰鄉鄉月令作來與遷者往也對來者北則往者必南矣

筠案月令季冬

雁北鄉正義曰早者則此月北鄉晚者二月乃北鄉故易說云二月驚蟄候雁北鄉月令孟春鴻鴈來
正義曰案下季冬鴈北鄉據其從南始北正月來至中國故此云鴻鴈來但來有先後後者二月始來
又案鴈順陰陽往來見士昏禮鄭注

傳曰雉震响

爾本雉震雉大戴禮雉震响震响筠案當作雉震雉下同爾本之雉大戴之响各訛
一牛鄉史記爾本紀曰有飛雉登鼎耳而响然說文不收响字大戴又衍震响二字

响也者鳴也震也者鼓

其翼也

筠案此二句响震兩字各本皆互訛今依初學記所引正之月令季冬雉鳴鄭注雉鳴也引詩云雉之朝雉說文雉雉
鳴也雷始動雉乃鳴而句其類此兩事足以明之然說文今本亦有訛脫此依尚書毛詩正義所引改補原响震之所以互

訛以經先震後响也下文經緯傳之互訛同
此難先鼓翼而後鳴蓋雉亦然故經先言震

正月必雷雷不必聞爾本聞

惟雉爲必聞之何以謂之爾本以作必言人
既不聞何以知雉

之必雷則雉震响爾本脫雉字人問雷之時雉必震响無雷之時
即不震响則正月之震响也其爲有雷可知

相識以雷句與何以
謂之相應

顧氏曰鴻範五行傳正月

雷微動而雉雊

傳曰魚陟負冰陟升也負冰云者言解蟄也顧氏曰易本命曰介鱗夏食冬蟄則魚亦蟄物故曰解

蟄。 筠案月令正月二候蟄蟲始振。三候魚上冰。五候鴻雁來。與本書次第不同。傳曰農緯厥耒。緯束也。束其耒云爾者。用是見君之亦有耒也。爾本作見君子之亦有束也。 金氏曰古者立春先時命農大夫咸勸農。因

東田器也。 黃氏曰季冬已令民修耒耜矣。至是緯之。月令天子親載耒耜。知君亦有耒也。

傳曰初歲祭耒始用鳴。傳本作暢。按語云爾本作鳴。按語不生也。暢訓達。作暢爲是。筠案鳴不生也。出說文不字似訛。暢卽鳴之俗字。 鳴也者終歲之用祭也。其曰初云

爾也者。言是月之始用之也。初者始也。傳氏曰爾本鳴者。其曰初云爾。鳴也者終歲之用祭也。言是月之始。初者始也。大戴禮初歲祭耒始用暢也。其月初云爾。暢也者終歲之用祭也。言是月之始用之

也。初者始也。 或曰祭韭也。 金氏曰王將耕耜則鬱人薦鬯。王禋鬯。用國語似不合。說見下。 祭耒用鬯者。祭始爲耒耜之

人。顧氏曰祭先嗇也。先嗇神農始爲耒耜教民耕耨者。 黃氏曰宗廟禋鬯焉。郊社禋鬯焉。獻之屬莫重于禋。而始用祭耒何也。將有

事于耕耜。以奉天地社稷之粢盛。而身致其誠信之謂敬。敬其事則命以始。初歲祭耒。粢盛之始也。顧氏曰司尊彝之職曰春祠夏禴。禴用雞彝鳥彝。秋嘗冬烝。禋用卵彝黃彝。是鬯爲終歲所用。今以祭耒是用鬯之始。故係之初歲。 筠案或曰風俗通和樂而作曰暢。樂歌之名。堯有神人暢。然神人暢之名似不雅馴。蓋耜鬯之說爲是。字作暢者。雜記暢曰以柳杵以梧。釋文暢作鬯。而曰本亦作暢。是也。周

語。王禋饗醴乃行。下文始曰及藉。則非以饗祭未。故韋注曰灌饗飲醴。皆所以自香潔。或周禮與夏不同乎。傳曰終歲者。對經文初歲而言。蓋此事既在正月。言初歲似複。故解之也。或曰祭韭也者。顧氏引孔氏廣森曰。記別家經文。或作初歲祭韭。案祭韭是二月事。作祭未爲正。

傳曰。固有見韭。

萌案見當音賢通反。

圃也者。圃之燕者也。

傳本無者字。案燕蓋如燕朝燕居之燕。詩王在靈圃是也。

金氏曰。韭。陽菜。見。露也。黃氏

曰。陽氣始升。木德之先見者也。天子樹瓜華。不斂藏之種。以爲遠于利也。有見韭。歷霜雪而復萌。以爲近千貞也。顧氏引春秋繁露曰。春尙豆實。豆實韭也。春之始所生也。筠案初學記引說文曰。苑有園曰圃。圃猶有也。有藩曰園。有牆曰圃。蘇頌引說文曰。一種而久生者。故謂之韭。象葉出地形。

傳曰。時有俊風。俊者

關本俊也者。

大也。大風。南風也。何大於南風也。曰合冰必於南風。

關本冰作水。

解冰必於南風。

生必於南風。收必於南風。

關本收作穀。

故大之也。

顧氏曰。俊風條風也。通卦驗曰。東北曰條風。淮南子曰。

冬至四十五日。條風至高。注。良卦之風。一名融。筠案。顧氏蓋駁傳也。詩。凱風傳曰。南風謂之凱風。樂夏之長養。說文曰。南方曰景風。是知南風當屬夏。月令亦曰。東風解凍矣。似顧說是。抑或春風狂似虎。但當說之以大乎。

傳曰：寒日滌。

舊注：滌，一作條。

凍塗滌也者，變而煖也。

筠案：煖，況反。今以代煖字。

凍塗也者。

也字依傳本補。

凍下而澤上多也。

案：傳分寒日滌。

爲句。凍塗爲句。○本傳似有誤字。或謂澤爲釋。且引管子而說之曰：日至六十日而陽凍釋。七十日而陰凍釋。在上者陽凍也。多釋矣。在下者陰凍也。時猶未釋也。不知管子所謂陰陽，指山之南北而言。猶之文選海賦注引晏子春秋曰：陰冰凝陽冰厚五寸，指水之南北而言也。彼以一地之上下爲陰陽，既失其義。且於物理不合。凍之結于冬也，自上而下，釋于春也，自下而上。本經祇言寒日變一日，凍皆化爲泥塗耳。傳則不可強解。

金氏曰：日滌凍解而爲塗也。

此合五字爲一句。

張氏曰：寒日滌，言寒氣日變而煖也。仁山之說遺寒字義。黃氏曰：凍塗者，凍土融而爲泥塗也。

坤之初六，履霜，堅冰至，危乎其履之者也。此於初歲記此，幸乎其滌之者也。

經義述聞曰：日當作曰。傳本經作日。傳作曰。然此不足據。十月傳若日之長也。大戴曰：作曰。說文作吹，云：訟詞也。爾雅：粵于爰，曰也。寒日滌者，寒

氣於是乎變也。

案：張氏說：日滌者，謂日日變也。此讀爲曰，爲改歲之曰。於義雖通，然似不及張說。

筠案：月令十月，水始冰，在地始凍之前，土煖水寒，物

理固然。故正月東風解凍，亦在魚陟負冰之前。本經顛倒，錯簡可知。十月不及冰凍，脫簡亦可知。

傳曰：田鼠出，田鼠者，嚙鼠也。

嚙，戶監反。筠案：爾雅釋獸作鼯鼠。郭注：以類裏藏食者，而釋獸又曰：鼯鼠曰嚙。然則嚙者古文假借字。鼯者後起之專字也。此鼠今謂之倉鼠。

記時也。

黃氏曰：田鼠有二，目小尾長者鼯，目深尾短者鼯，皆貪殘而害稼，曰出，惡其出也。

筠案：黃氏以鼯鼯爲田鼠非也。別鼯子鼯，尤非也。廣